



სსიპ „სასწრაფო სამედიცინო დახმარების ცენტრი“-ს მიერ დეფიბრილატორების
შესყიდვის ელექტრონული ტენდერის

სატენდერო დოკუმენტაცია
CPV33182100

დაფინანსების წყარო: ადგილობრივი ბიუჯეტი.
სავარაუდო ღირებულება: 334400 (სამას ოცდათოთხმეტი ათას ოთხასი) ლარი.

სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის მე-12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე

თბილისი - 2016 წელი

სარჩევი

1. ინსტრუქცია ტენდერში მონაწილეთათვის.....	3
2. შესყიდვის ობიექტის ტექნიკური დავალება	4
3. სვალდებულო მოთხოვნა.....	4-5
4. საგარანტიო პირობები.....	5
5. მიწოდების პირობები და ვადები.....	5
6. ფასები.....	5
7. ხელშეკრულების უზრუნველყოფის საბანკო გარანტია.....	5
8. ანგარიშსწორების პირობები	6
9. საკვალიფიკაციო მონაცემები.....	6
10. პრეტენდენტის მიერ სისტემაში ასატვირთი მონაცემები	6
11. სახელმწიფო შესყიდვის შესახებ ხელშეკრულების პროექტი.....	7-10
12. დამატებითი ინფორმაცია.....	11
13. დანართი N1 (ფასების ცხრილი).....	12
14. დანართი N2 (რეკვიზიტები).....	13

1. ინსტრუქცია ტენდერში მონაწილეთათვის

- 1.1. სახელმწიფო შესყიდვა ტარდება სახელმწიფო შესყიდვების ერთიანი ელექტრონულ სისტემაში (შემდგომში - სისტემა).
- 1.2. სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებულ „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულებების დადების მომენტისათვის დაზუსტდება სატენდერო წინადადების შესაბამისად.
- 1.7. პრედენდენტს არა აქვს უფლება წარმოადგინოს ალტერნატიული წინადადება.

2. შესყიდვის ობიექტის ტექნიკური დავალება:

2.1. შესყიდვის ობიექტი

N	დასახელება	მახასიათებლები	რაოდენობა
1	დეფიბრილატორი	დეფიბრილაციის მანუალური + ავტომატური ან ნახევრად ავტომატური რეჟიმი, ბიფაზური. განმუხტვის სიმძლავრე 360 ჯოულის ჩათვლით - მახასიათებლები უნდა შეესაბამებოდეს ამერიკის გულის ასოციაციის (AHA) გფრ უახლესი გაიდლაინის მოთხოვნებს. დეფიბრილაციის სინქრონული და ასინქრონული რეჟიმებით (კარდიოვერსია). მრავალჯერადი სტანდარტული ელექტროდებით დეფიბრილაციისთვის (მოზრდილთა და პედიატრიული), კვებისა და დამუხტვის ბლოკით, რომელიც იმუშავებს 220 ვოლტსა და 50 ჰერცზე, მუშაობა აკუმულატორით. სრულად დატენილი აკუმულატორით 200 ჯოულამდე დამუხტვის დრო არაუმეტეს 5 წამისა, 360 ჯოულამდე არაუმეტეს 7 წამისა. განმუხტვების რაოდენობა სრულად დატენილი აკუმულატორით 360 ჯ ენერგიით მინიმუმ 50 ან 200ჯ მინიმუმ 100. არაინვაზიური პეისინგით და მისი შესაბამისი ელექტროდების 2 (ორი) კომპლექტით. მონიტორის ზომა: დიაგნოზაზე მინიმუმ 140 მმ. სრულად დატენილი აკუმულატორით მინიმუმ 2 საათიანი უწყვეტი ეკგ მონიტორინგის განხორციელების შესაძლებლობით. 12 სტანდარტულ განხორციელები ეკგ, 1 ცალი შესაბამისი 5 არხიანი კაბელით და მრავალჯერადი სტანდარტული ელექტროდებით ე.წ. „კრაკადილები“. თერმული პრინტერით, მინიმუმ 50 მმ ქაღალდზე ეკგ ბეჭდვის ფუნქციით (ეკგ-ზე განხრების მითითებით), მონაცემების დამახსოვრების ფუნქციით. აპარატის მაქსიმალური ზომა 25სმX30სმX30სმ, მაქსიმალური წონა მრავალჯერადი სტანდარტული ელექტროდებით დეფიბრილაციისათვის და აკუმულატორით/აკუმულატორებით - 6,5 კგ. მყარ ზედაპირზე ვარდნისადმი მედეგობა მინიმუმ 45 სმ სიმაღლიდან. აკუმულატორის დატენვის მაქსიმალური დრო (არაპირველი დატენვა) 5 საათი. არანაკლებ 2 (ორი) წლიანი გარანტიით, აკუმულატორზე არანაკლებ 6 თვითიანი გარანტიით. გარანტიის მოშლის საფუძველად არ უნდა ჩაითვალოს ხშირი ტრანსპორტირება. მომწოდებელმა უნდა უზრუნველყოს პერსონალის ტრენინგი.	20
2	თერმული ქაღალდი	თერმული ქაღალდი ე.წ. „მილიმეტროვკა“, უნდა იყოს თავსებადი შემოთავაზებულ დეფიბრილატორთან	60

3. სავალდებულო მოთხოვნა

3.1 პრეტენდენტმა ერთიან ელექტრონულ სისტემაში, სრულყოფილად შევსებული დანართი N1-ის სახით უნდა წარმოადგინოს ინფორმაცია შემოთავაზებული „საქონლის“ მახასიათებლების, მოდელის, ბრენდის და წარმოშობის ქვეყნის შესახებ. შემოთავაზებული „საქონლი“ მოდელის, ბრენდის და წარმოშობის ქვეყნის მიუთითებლობა გამოიწვევს პრეტენდენტის დისკვალიფიკაციას ყოველგვარი დაზუსტების პროცედურის გარეშე. მითითებული ინფორმაციის წარმოდგენლობა ან/და ვაჭრობის დამატებითი რაუნდების შედეგად ფასის ცვლილების შემთხვევაში, შემოთავაზებული საქონლის მოდელისა და მარკის შეცვლა გამოიწვევს პრეტენდენტის დისკვალიფიკაციას ყოველგვარი დამატებითი დაზუსტების პროცედურების გარეშე.

3.2 პრეტენდენტმა ასევე ერთიან ელექტრონულ სისტემაში უნდა წამოადგინოს შემოთავაზებული საქონლის ტექნიკური მახასიათებლების დამადასტურებელი დოკუმენტი - ტექნიკური პასპორტი, სადაც ასახული იქნება შემოთავაზებული საქონლის მახასიათებლები, რომელიც დაადასტურებს შემოთავაზებული საქონლის შესაბამისობას მოთხოვნილთან. აღნიშნული დოკუმენტაციის წარმოდგენა შესაძლებელია როგორც ქართულ, ისე უცხოურ ენებზე. დოკუმენტაციის უცხოურ ენაზე წარმოდგენის შემთხვევაში, მას უნდა დაერთოს ქართულ ენაზე ნოტარიული წესით დამოწმებული თარგმანი.

3.3 ტენდერში გამარჯვებულის გამოვლენამდე, პრეტენდენტმა მოთხოვნიდან 5 (ხუთი) სამუშაო დღის ვადაში უნდა წამოადგინოს შეთავაზებული საქონლის ნიმუში. იმ შემთხვევაში თუ შეთავაზებული საქონლის ნიმუშები ვერ დააკმაყოფილებს სატენდერო დოკუმენტაციით განსაზღვრულ მოთხოვნებს, სატენდერო კომისია უფლებამოსილია მოახდინოს პრეტენდენტის დისკვალიფიკაცია სატენდერო პროცედურებიდან.

4. საგარანტიო პირობები

4.1 მიწოდებულ საქონელზე ვრცელდება საგარანტიო ვადა ცხრილში მითითებული ვადით;

4.2 თუ მიწოდებული საქონლის საგარანტიო ვადის ამოწურვამდე აღმოჩნდება ან გამოვლინდება ნაკლი ან/და დეფექტი, მიმწოდებელი ვალდებულია შემსყიდველის შეტყობინებიდან გონივრულ ვადაში უზრუნველყოს ნაკლიანი საქონლის უნაკლოთი და ახლით შეცვლა ან ნაკლის გამოსწორება.

5. საქონლის მიწოდების პირობები და ვადები

5.1 მისაწოდებელი საქონელი უნდა აკმაყოფილებდეს ტექნიკური დავალების ცხრილში მოცემულ მახასიათებლებს;

5.2 საქონლის მიწოდება უნდა განხორციელდეს ხელშეკრულების გაფორმებიდან 45 დღის ვადაში.

5.3 საქონლის მიწოდება უნდა განხორციელდეს მიმწოდებლის ხარჯით, შემდეგ მისამართზე: ქ. თბილისი, ქერჩის ქუჩა N8;

6. ფასები

6.1 პრეტენდენტმა უნდა წამოადგინოს ფასების ცხრილი დანართი N1-ის მიხედვით.

6.2 პრეტენდენტის მიერ წარმოდგენილ ფასების ცხრილში ერთეულის ფასი მოცემული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით.

6.3 თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მესამე დამდეგზე. შესაბამისად, შეამციროს საერთო ფასიც.

6.4 იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა. **ფასწარმოქმნის ადეკვატურობა შესაძლებელია დასაბუთდეს აუდიტის დასკვნით (დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტის ასლი).** პრეტენდენტის მიერ წარმოდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

7. ხელშეკრულების შესრულების უზრუნველყოფის საბანკო გარანტია

7.1 ტენდერში გამოყენებულ იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 2%-ის ოდენობით.

7.2 ხელშეკრულების შესრულების უზრუნველყოფის საბანკო გარანტიის მოქმედების ვადა, სულ მცირე, 30 დღით უნდა აღემატებოდეს ხელშეკრულების მოქმედების ვადას.

8. ანგარიშსწორების პირობები

8.1 ანგარიშსწორება მოხდება უნაღდო ანგარიშსწორებით ლარში, ფაქტიურად მიწოდებული საქონლის ღირებულების მიხედვით, შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში;

8.2 დაფინანსების წყარო: 2016 წლის ადგილობრივი ბიუჯეტი.

8.3 წინასწარი ანგარიშსწორება არ გამოიყენება.

9. საკვალიფიკაციო მონაცემები

9.1 გამარჯვების შემთხვევაში პრეტენდენტმა უნდა წარაადგინოს საკვალიფიკაციო მონაცემების დამადასტურებელი შემდეგი დოკუმენტები:

9.1.1 იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია/ლიკვიდაცია;

ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ;

გ) ცნობა საქართველოს ფინანსთა სამინისტროს სსიპ „შემოსავლების სამსახურიდან“ ბიუჯეტთან ანგარიშსწორების შესახებ.

9.1.2 ფიზიკური პირებისათვის:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუნარიობის საქმის წარმოება;

ბ) ცნობა საგადასახადო ინსპექციიდან ბიუჯეტის წინაშე დავალიანების არარსებობის შესახებ.

გ) პირადობის მოწმობის ასლი.

9.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ.

9.3 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნიდან 5 სამუშაო დღის ვადაში.

9.4 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს ამ პრეტენდენტის დისკვალიფიკაციას.

10. პრეტენდენტის მიერ სისტემაში ასატვირთი მონაცემები

10.1 სრულყოფილად შევსებული „ფასების ცხრილი“ დანართი N1-ის შესაბამისად;

10.2 რეკვიზიტები დანართი N2-ის შესაბამისად;

10.3 პრეტენდენტმა უნდა წარმოადგინოს შემოთავაზებული საქონლის სრული ტექნიკური აღწერილობა (წარმოშობის ქვეყნის/მწარმოებელი ფირმის/მოდელის/ბრენდის მითითებით) სრულყოფილად შევსებული დანართი N1-ის შესაბამისად. **შემოთავაზებული „საქონლის“ წარმოშობის ქვეყნის, მოდელის და ბრენდის მიუთითებლობა გამოიწვევს პრეტენდენტის დისკვალიფიკაციას ყოველგვარი დაზუსტების პროცედურის გარეშე.**

10.4 პრეტენდენტმა უნდა წარმოადგინოს შემოთავაზებული საქონლის ტექნიკური მახასიათებლების დამადასტურებელი დოკუმენტი (ტექნიკური პასპორტი), სადაც ასახული იქნება შემოთავაზებული საქონლის მახასიათებლები, რომელიც დაადასტურებს შემოთავაზებული საქონლის შესაბამისობას მოთხოვნილთან. აღნიშნული დოკუმენტაციის წარმოდგენა შესაძლებელია როგორც ქართულ, ისე უცხოურ ენებზე. დოკუმენტაციის

უცხოურ ენაზე წარმოდგენის შემთხვევაში, მას უნდა დაერთოს ქართულ ენაზე ნოტარიული წესით დამოწმებული თარგმანი.

11. სახელმწიფო შესყიდვის შესახებ ხელშეკრულების პროექტი /ხელშეკრულების პირობები დაზუსტდება გამარჯვებულ კომპანიასთან/

ხელშეკრულება სახელმწიფო შესყიდვის შესახებ №
წინამდებარე ხელშეკრულება დაიდო „___“ _____ 2016 წ.

ერთი მხრივ, სსიპ „სასწრაფო სამედიცინო დახმარების ცენტრი“ წარმოდგენილი - მისი დირექტორის ----- სახით (შემდგომში „შემსყიდველი“) და მეორე მხრივ _____ წარმოდგენილი მისი დირექტორის _____ სახით (შემდგომში „მიმწოდებელი“) მოქმედი კანონმდებლობის შესაბამისად, შემსყიდველის მიერ გამარტივებული ელექტრონული ტენდერის SPA-----საფუძველზე, ვდებთ წინამდებარე ხელშეკრულებას შემდეგ ზე:

გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

„ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

„ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

„შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

„მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

„დღე“, „კვირა“, „თვე“ ნიშნავს სამუშაო დღეს, კვირას, თვეს.

1. შესყიდვის ობიექტი

1.2 შესყიდვის ობიექტია _____ შესყიდვა - CPV33100000

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს: _____ ლარს.

2.2 შესყიდვის ობიექტის ერთეულის ღირებულებაა: _____ ლარი.

2.3 ხელშეკრულების ჯამური ღირებულება მოიცავს ყველა გადასახადს, რომელიც მოქმედი კანონმდებლობით ეკისრება მიმწოდებელს.

3. საქონლის მიწოდების ვადები და პირობები

3.1 საქონლის მიწოდების საბოლოო ვადაა 2016 წლის -----

3.2. საქონლის მიწოდების ადგილი: თბილისის ქერჩის ქ. N8.

3.3 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო და ახალი საქონელი.

4. ხელშეკრულების მოქმედების ვადა

4.1 წინამდებარე ხელშეკრულება ძალაშია ხელშეკრულების გაფორმების თარიღიდან და მოქმედებს 2016 წლის _____ ჩათვლით.

5. სტანდარტები

5.1 ხელშეკრულების ფარგლებში მისაწოდებელი საქონელი უნდა აკმაყოფილებდეს დადგენილ სტანდარტებს.

6. საქონლის ხარისხი

6.1 ხელშეკრულების ფარგლებში მისაწოდებელი საქონელი უნდა იყოს ახალი, ხარისხიანი და აკმაყოფილებდეს შემსყიდველის მოთხოვნებს.

7. ხელშეკრულების შესრულების კონტროლი

7.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

7.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

7.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

7.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

7.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ „სასწრაფო სამედიცინო დახმარების ცენტრის“ _____

8. შესყიდვის ობიექტის მიღება-ჩაბარების წესი

8.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

8.2 შემსყიდველის მხრიდან მიღება-ჩაბარების აქტის გაფორმებაზე უფლებამოსილ პირს წარმოადგენს წინამდებარე ხელშეკრულების მე-7 მუხლის 7.5 პუნქტში მითითებული პირები.

8.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

9. ანგარიშსწორება

9.1 მიწოდებული ობიექტის ღირებულების ანაზღაურება მოხდება უნაღდო ანგარიშსწორებით.

9.2 ანგარიშსწორება შემსყიდველის მიერ მოხდება საქონლის მიწოდებისა და აღნიშნულის თაობაზე მხარეთა შორის მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

9.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

10. ხელშეკრულებაში ცვლილებების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან შემსყიდველისათვის უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. უფლებების გადაცემა

11.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

12. სუბკონტრაქტორები

12.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებაზე ხელშეკრულების დამატების სახით.

12.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

12.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

13. ხელშეკრულების პირობების შეუსრულებლობა

13.1 ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 20%-ის ოდენობით, ხოლო ვალდებულების ნაწილის შეუსრულებლობის შემთხვევაში- ვალდებულების შეუსრულებელი ნაწილის 10%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ნაწილის 0.02%-ის ოდენობით.

13.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, მხარეებს უფლება აქვს ცალმხრივად შეწყვიტონ ხელშეკრულება.

13.3 საჯარიმო სანქციის გადახდა არ ათავისუფლებს მხარეებს ძირითადი ვალდებულებების შესრულებისაგან.

14. ხელშეკრულების შეწყვეტა მისი პირობების შეუსრულებლობის გამო

14.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

14.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

15. ფორს-მაჟორი

15.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური

მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს ან აღსრულების ეროვნულ ბიუროს თუ ხელშეკრულებაში სხვა რამ არ არის გათვალისწინებული.

17. გამოყენებული სამართალი

17.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. შეტყობინება

18.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

18.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

19. სხვა პირობები

19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი
სსიპ „სასწრაფო სამედიცინო
დახმარების ცენტრი“

მიმწოდებელი

10. დამატებითი ინფორმაცია:

10.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, მის: ქერჩის ქ. N8. მე-3 სართული;
ტელ: 2547099 (1019 -შიდა);

საკონტაქტო პირები:

თიკო მაჭავარიანი ტელ: 598 88 88 08/ელ.ფოსტა tmachavariani@temsc.gov.ge

დავით ბარაბაძე ტელ: 591 05 06 07/ელ.ფოსტა dbarabadze@temsc.gov.ge

ტექნიკურ საკითხებზე:

ლევან ცირეკიძე ტელ: 599162833

ფასების ცხრილი

N	საქონლის დასახელება	მახასიათებლები/ საგარანტიო ვადა	წარმოშობის ქვეყანა/მწარმოებელი ფირმა/მოდელი/	რაოდენობა (ცალი)	მიწოდების ადგილი და ვადა	ერთეულის ფასი (ლარი)	მთლიანი ღირებულება (ლარი)
1	2	3	4	5	6	7	8
1	დეფიბრილატორი			20			
2	თერმული ქაღალდი			60			

შენიშვნა: ყველა ველის შევსება სავალდებულოა!

სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების
ფასი _____

პრეტენდენტის ხელმოწერა _____
და ბეჭედი

რეკვიზიტები:

- პრეტენდენტის იურიდიული ფორმა და დასახელება:
- ხელმძღვანელის სახელი და გვარი:
- პრეტენდენტის იურიდიული ან/და ფაქტიური მისამართი:
- საიდენტიფიკაციო კოდი:
- პრეტენდენტის ტელეფონის ნომერი:
- ელექტრონული მისამართი:
- ბანკი:
- ბანკის კოდი:
- ანგარიშის ნომერი:

პრეტენდენტის ხელმოწერა _____
და ბეჭედი